

Ran-u ur-Takun u Burus pane Timoti

Us-vuk udu Timoti

¹ Uno ran-o oon dugu-du ri, Burus. U-Ru wu ukre in tumsu Kiristi Yeso ne wu in ooge wa-du jab udu wa, wa wa'ag me um shu'ut wa-tom-u Kiristi Yeso.

² Um o pan-du uno ran-o m-ha udu ro Timoti wu o uka wa-u ut-nip u ri remu uzu tumsu bo yaag jab u-me Kiristi. Um nong us-kon udu u-Ru u-Uso u Kiristi Yeso Wa-ko-uyan u in, uzu wa ya' bo u-nya u ur-on u rus-du jab ne.

Ut-him u mot-tu a-kose-tu us-bi

³ Da-u um ooge m-ha u Makidoniya um zuug uzu bo shu'ut u-me bo-u Afisa remu bo nom-tu tokon net-to u-har ukun uzu un yage kose-tu us-bi.

⁴ Tumsu waru un uzu un yage muut-u jab-us un udu ut-kwur u ogor-tu uso-tu uso-ut un tu za ur-ma. Go-du rem-us se haatun inan ko oog ba haatun re-u u-shu ank-mu u-Ru, u na shuuse remu yadu jab.

⁵ Sedi nom-u um ut-sa u nak-du ut-to ri shuus cwan-ut to, cwan-tu rwuune dugu jab-u u-hen tumsu u jab ne u nape nom-u so-o u yo-o ne u yadu jab-u ut-nip ne udu u-Ru.

⁶ Sedi eken net-ne enkte dugu nom-ut tun-to, tumsu e byurug u-kit udu rem-su m-zan.

⁷ E ut-sa e shu'ut a-ut-kose tu bor-ut Mosa, sedi e nak nomu e o ut-zu ko e nak nom-u e o ut-war za-u gyer-u ur-beb ne da.

⁸ In nak uzu bor-yu u-Ru o so-ya, sedi se net-tu nong kose-tu to hon-hon.

⁹ Tumsu in nak uzu na nomug bor-yu u-Ru remu net-tu ooge a-jabu so-o ne da. Sedi na nomog to remu i pase bor-yu u-Ru tumsu a-yunsu us-jab ne, remu i gugme nom-du nom-u Ru-u ut-sa tumsu a-ut-ba'as-ne, remu a-za u-hen ne u i yute u-Ru m-zeg ne da, remu i hoye uso-ut e u ino-ut e ne u i hoye ut-net ne,

¹⁰ u net-tu i nome m-o ne, u campa-ne i rooge u campa-ne, u neta-ne i rooge u neta-ne, u a-hyu-u du ut-net ne, u a-us-bi ne, u a pas-du estedu us-rem ne, u i nome okon nom-o u kose-tu ut-nip hose ut-nom.

¹¹ Kose-tu ut-nip tun-to eeste u rem-su m-remner ne su m-sek su ware mot-tu Ru-u nu-u so-o. Sin-se ooge remsu m-remner su Ru-u ya'u me no-mu nom-du but-tu se.

Nya-u Wa-ko-uyan kose Burus

¹² Um vam-ug Kiristi Yeso, Wa-ko-uyan in, wu ya'u me ur-beb remu wa kabug me uka net wu wa do'e tostu jab-u wa udu ri, da-u wa dage me um nom pama-us wa.

¹³ Hoto, um oog warug nom-ut yoto u mot-ut wun ne. Um yaag net-ut wun ur-kob, tumsu um oog yunus-du us-jab udu net-ut wun. Sedi um kwumug ur-on rem uzu um nomog u kob-du m-nap tumsu kob-du yadu jab ne u-me Kiristi.

¹⁴ Tumsu Wa-ko-uyan da'uste nya-u wa u-tát u dom-u ri u jab-u so-o ne u ut-cwan ne remu same-du ut-hi ri u Kiristi Yeso ne.

¹⁵ Sin-se rem-se nip-to tumsu yage kowan kab se: Kiristi Yeso haagun u-me u-dak remu wa ukurte ut-net dugu ba'as-ut e, tumsu u-me un me zege ut-ba'as.

¹⁶ M-ha iya ne, Kiristi Yeso hog on-ur ri, me yu zege kowan ut-ba'as, u remu wa koste ut-net gag-du jab-u wa u za ut-ta. Wa cwan-ug uzu nom-u wa nome remu ri o shu'ut m-sha udu ut-net i do'e ya-du jab udu wa, tumsu e kum fat-du m-mommo.

¹⁷ U da-o udu faruk-u za ur-ma, wu zaare m-mar da, wu na hyun-te da, wu o u-Ru u-gan kyak, m-zeg u m-sek ne shu'ut udu wa m-mommo. U shu'ut iya.

Nom-u Timoti de ut-nom

¹⁸ Um o nomu bo tun-to him-to, Timoti, wa-u ri, uka warru nomu do'e ut-nom u-shu su na nome u mot-ut ro ne ur-takun, u remu uzu a-bo dore to bo ut-nom gag-m uka wa m-gag so-wa remu nip-tu Rem-su m-Remer,

¹⁹ bo o m-shup u yadu jab-u ro ur-zwar-ne, tumsu u jab ne u nape nom-u so-o u yo-o ne. Eken net-ne e yakke tun-to tumsu remu iya e shaktusse yadu jab-u e.

²⁰ Go-du net-ut to e o Himeniyus u Arezanda. Um ya'aste un u kom-tu faruk-u nom us-te, remu uzu o do'e iis-u un yage-du pyap-su u-Ru ne.

2

Ut-Him u mot-tu ut-huuk

¹ Ur-takun, remu iya, um o hyum-du no, nomon us-kon u remu ut-net ut-beet, us-toog ne, ut-vam ne,

² nomon us-toog remu ut-faruk u i o dom-u ur-faruk ne beet. A in nome iya in ut-nom ur-yu m-yar tumsu u nom-du nom-u Ru-u zuye in nom u-hen ne.

³ Go-du sin-se toog-se otte ur-zwar, tumsu u-Ru Wa-u-ukur in hog zwarru se sok.

⁴ Wa ut-sa ut-net ut-beet u kum u-ukur dugu ba'as-ut e tumsu e nap rem-su ut-nip su mot-tu u-Ru.

⁵ Remu uzu Ru-o u-gan kyak. Tumsu net oró gan wu eese tek-u ut-net u u-Ru ne. Net-u wa na foge Kiristi Yeso.

⁶ Wa ya'aste hi-ur wa remu wa rwurut ut-net ut-beet remu e kum-ut u-ukur. Sin-se o rem-su Ru-u yase udu u-dak u-beet hon-hon u da-u kame.

⁷ O wa'e Ru-u tomtón me uka wa-ut-but u wa-tomu-u Yeso ne, um nom kose-tu ut-nip su rem-su mot-tu ya-du jab, udu i za-Yahuda-ne. Nom-u um ooge ut-war nip-to. A bise um otte da.

⁸ Remu iya, um ut-sa campa-ne be-du e morogte, e jakus ut-kom tu u-hen udu u-Ru da-u e o us-toog, za namu jab ne ko inan ne da.

⁹ Tumsu iya um ut-sa u neta-ne wa' cwu-tu dupe. Kumge neta-ne wa' cwu-tu zaare haatun m-e' da tumsu e wa' cwu-tu kose shup-du ur-hi, za uk-tu u-ga ne da, ko kus-tu bu-mu ut-ro ko ta'ar-tu shik ko kus-tu shik sok,

¹⁰ sedi neta-ne i o m-gwat uzu e yaste hi-ur e udu u-Ru kumge e muut hi-ut e u nom-du nom-ut so-to.

¹¹ Yage neta-ne iis za nom-du ur-shut tumsu u

yase du ur-hi ne u-beet.

¹² Um yaag neta ur-beb du ut-kose da ko e nom ur-faruk du campa-ne da. Sedi yage e ho us-ram.

¹³ Remu zu Ru-u nomog Adamu ur-takun kanda Hawa.

¹⁴ Tumsu Adamu wa faruk-u nom us-te engusse da. Sedi neta wa, remu uzu wa na engusse wa shu'ut wa-ut-ba'as.

¹⁵ Sedi neta-ne do'e kwum-du ukur udu ur-mat du yaag, abite e reeg u-shu u yadu jab ne, u ut-cwan ne, tumsu u-hen ne, tumsu u shup-du ur-hi ne.

3

Uka dupte Yu-shu A-dor-ne Shuut

¹ Rem-us sin-se nip-to su zuye, a net-u o cwan-tu wa shu'ut yu-shu u-me a-doru Yeso ne wa o cwan-tu og-ur so-de.

² Remu iya, se yu-shu shu'ute za ur-pyap, wa shu'ut campa neta gan, wa shu'ut u shup-du ur-hi ne, wa shu'ut wa-us-ver, u dim-ur so-de ne. Tumsu wa shu'ut wa-cwan-tu ut-hamut u bu-u wa, tumsu wa shu'ut wa kerru ut-kose.

³ Tumsu se wa shu'ute za wa swa-u ke u-tat da ko wa cwan-tu yunus-du jab da. Sedi se wa shu'ute net ur-ka, za wa u-har da, tumsu za wa cwan-tu shik da.

⁴ Se wa kerge gargu bu-u wa ur-zwar ne, tumsu se wa kerge ut-wa yaag-u wa ya' wa m-zeg tumsu e dor wa.

⁵ Remu zu abite net kerge gargu bu-u wa da, rene o wa dote keru gwat-du a-doru Yeso ne?

⁶ Tumsu se a wa shu'ut wa doru po-wa da, remu zu wa kere ut-shu'ut u huk-mu ur-hi ne tumsu wa he gandi kwup-du us-rem uka faruk-u nom us-te nomte.

⁷ Yu-Yat-ya a-doru Yeso ne se tumsu wa shu'ute net wu otte dim-ur so-de udu a-za-dor ne, taas wa he u-me nom-tu m-e da tumsu u-me ren-du faruk-u nom us-te.

⁸ Iya o hen us-dikon se e shu'ute net-tu kore ya-du m-zeg, e shu'ut net-tu ut-nip. Tumsu se e shu'ute a-za swa-u ke ne u-tat, tumsu se e shu'ute a-ut-nip-ne u mot-tu shik ne.

⁹ Se e ship rem-su ut-nip su mot-tu yadu jab-u ur-zwar ne tumsu e shu'ut u jab ne u kose uzu un zatte ut-ba'as da.

¹⁰ Kanda na dag un us-dikon, yage na reg un sok. A-muune uzu un zatte ur-pyap da, yage e nom m-ank uka us-dikon.

¹¹ Iya-o hen tumsu neta-ut un se e shu'ute net-tu kore yadu m-zeg, sedi za a remsu ha-mu ur-no ne u mot-tu or-ut e ne da. Tumsu e shu'ut u shup-du ur-hi ne u jab-u so-o ne u-me ko-uyan u e o ut-nom.

¹² Se dikon yu shu'ut campa neta gan, tumsu wa kere gargu ya'agu wa u bu-u wa ne ur-zwar ne.

¹³ Net-tu o u nom-du pama-u so-o uka us-dikon e do'e kwum-du m-zeg dugu-du eken tumsu e do'e kwum-du swur-mu shiriktin-mu jab u-me yadu jab-u e u-me Kiristi Yeso.

¹⁴ Ko ba shu'ute uzu um o panu no, um cwang uzu um haan um hyan no za wa'as.

¹⁵ Sedi um o panu no remu uzu, a-muune uzu okon nom-o naase me uda, no shu'ut u m-nap ne uka dupte net-tu dor-ut hi-ur e u-me bu-u u-Ru.

Um o us-rem u mot-tu a-doru Yeso ne u Ru-u ur-fat, u ooge ur-kug tumsu ur-tak du ut-nip.

¹⁶ Tumsu in beet in eeste uzu, yu-ur so-de in nom-tu m-yasa to tu-yat-to:

Yeso haagun u war-u net,
na koske in uzu wuna o wa'u u-Ru udu Yar-u u-Ru.

A-tom u-Ru-ne hyun wun,
a-doru Yeso nom donse-ur wa u-me ut-dak.

Net-tu u-dak u-beet e yaag jab u wun ne,
Ru-u kub wun u-dom u-ru, u-me sek-m wa.

4

*Burus wargu Timoti uka nomu
a-doru Yeso ne ut-kose*

¹ Sedi Yar-u u-hen wargu in uzu u ho-tu m-vaste eken do'e yage-du yadu jab-u ut-nip. E do'e dorru kose-tu yar-tu ut-enk tumsu ut-kose ne tu rwune dugu nom us-te.

² Go-du kose-ut to haan udu ya ha-mu ur-no ne u us-bi ne, i nap-mu nom-u so-o u yo-o ne mur-se.

³ Un zuug uzu kumge na nom ur-gu da tumsu ana re tokon nom-tu ut-re to da. Sedi Ru-u nong nom-u ut-re remu na re u tek-u ya-du ut-vam udu i ya'e jab tumsu udu i nape ut-nip.

⁴ Remu ko-uyan u Ru-u nome u so-o o, tumsu nom-u na do'e ut-gugum zaar da a-muune uzu na kabug to u ya-du ut-vam ne.

⁵ Remu zu udu toog-us in tumsu rem-su u-Ru ne na muute to u-hen ne.

⁶ Abō rē u-shu ū r̄wuūtun nōm-ūt tō m-zun ūdu or-ut rō a-dor-ne, bō dō'e shu'ūt wa-warru rem-ūs Kiristi Yeso wū sō-wa, tumsu bō ūt-rē u-shu ūt-rōgom nē remu rem-su ya-du jab ū kōse-ūt sō-to nē tū bō ooge ūt-dor.

⁷ Gugmē kōse-ūt tō tū za tū ūt-nip da, tumsu kwur-tū m-zan nē tū za ūt-sege ūt-net ē ya' u-Ru m-zeg da. Ū swas-mū iya, iisē hi-ur rō bō nōm ūr-yu ūka Ru-ū otte ūssa bō nōm.

⁸ Remu iis-ū u-war o ūr-zwar nē, sēdi iis-ū nōm-du nōm-ū Ru-ū ūt-sa zēk ūr-zwar. O dō'e segu net ū-mē dindē yu-dē ū da-o tumsu m-mōmmo.

⁹ Nōm-ū ūm warē rem-ūs sin-sē nip-to, tumsu sē kōge ūt-kab ū ūt-kom ūt-yur.

¹⁰ O wa'e it o nōm-du m-ank ūs-hund nē tumsu rē-ū u-shu nē remu rē-ū ūr-korro ū swadu ūr-kōb nē, remu zu it wa'ag jab-ū it ūdu u-Ru ūr-fat. Wa kōge ūkur du ūt-net ūt-beet, ūkur-ū o ūt-zeg ūr-zwar ūdu i ya'e jab ū-mē wa beet.

¹¹ Kōse nōm-ūt tō tumsu bō waru kōwan wa nōm-to.

¹² A-bō yagē wakun jurum bō da remu ūzu bō o wa'ū beb. Sēdi bō shu'ūt nōm-ū ūt-kōse ūdu a-dor-ne, ū-mē rem-ūs rō, ū yu-ur rō, ū-mē cwan-ūt rō, ū-mē yadu jab-ū rō tumsu ū-mē hēn-ū rō nē.

¹³ Kanda ūm haan ūkun, wa jab-ū karunte a-dor-ne Ran-ū u-Ru, ūt-but nē tumsu nōmu ē ūt-kōse nē.

¹⁴ Taas bō yagē nya-ū Yar-ū Ru-ū ū na ya'ū bō ūdu nōm-ū a-warru rem-su u-Ru nē warē, da-ū nēngen-tū a-doru Yeso nē doru bō ūt-kom.

¹⁵ Wa' jab ū-mē nōm-ūt tō ūt-beet. Yasu hi-ur rō ūr-beet, ū remu kōwan dō'e hyan-du rē-ū u-shu rō.

¹⁶ Gwat hi-ur ró ur-zwar ne uka bo otte ur-yu tumsu u kose-ut ró ne. Re u-shu u nom-du nom-ut to, remu zu bo u net-tu o hog-du bo ne do'e kwum-du u-ukur.

5

*Ut-kose u mottu Bomos-ne,
ut-Nengen ne tumsu tok-ne*

¹ A-bo hagusse u-nengen da, sedi nomu wa us-rem uka u-uso. Gwat ya'ag-u beb-ne uka or-ut ró ne.

² Gwat ut-mang uka ino-ut ró tumsu ya'ag-u neta-ne uka huno-ut ró, u jab u-hen ne.

³ Gwatun bomos-ne i zatte wakun wu do'e yadu e ur-sege da.

⁴ Sedi abite bomos otte ya'ag ko ya'agu ya'agu wa, nom-u kame e nom ur-takun e iis ur-yu uka ya'ag u-Ru u bu-ut e, tumsu e top i mate e udu gwat-du e. Remu zu a e nome iya Ru-u do'e hog-du zwar-ur un.

⁵ Sedi bomos wu zatte wakun wa segu wa da tumsu wa o war-wa, se wa toste wadu jab-u wa udu u-Ru. Tumsu wa nom us-toog u-da u-beet, m-gyup u u-ho ne wa o us-kon remu sege-du u-Ru.

⁶ Sedi bomos wu o yudu remu cwan-tu hog-du ur-zwar remu hi-ur wa, wa marug u-me u-Yar ko ba wa o ur-fat.

⁷ Yase ut-net bor-ut tun-to, ko'e, remu e ut-shu'ut za ur-pyap.

⁸ Sedi a-muune uzu wakun kerge gwat-du ko-ur wa da ko net-tu bu-u wa da, wa yakke yadu jab-u wa u-me Kiristi tumsu go-du net-u wa zek wa-za dor m-yo.

9 Bomos wu na pane dim-ur wa, u-me ran-u bomos-ne, se wa teeg us-hak ut-shik ut-tut, tumsu wa oog wa ya-du jab udu campa wa da-u campa wa ooge ur-fat.

10 Tumsu se wa otte dim-ur so-de remu nom-du ank-m somo, tumsu wa nomgu ya'agu wa ut-him, tumsu wa cust-du ut-hamut, tumsu wa nome-du net-tu u-Ru us-pama, tumsu wa sege i o swadu ur-kob, tumsu wa ya'aste hi-ur wa u nom-du nom-ut so-to ut-go ut-go ut-beet.

11 Sedi bomos-ne i omne ya'ag, a no wa dim-ut e u-me ran-u bomos-ne da. Remu da-u cwan-tu war-u e ruye yadu hi-ur e remu Kiristi, e do'e ut-cwan e nom ur-gu.

12 A shu'ute iya un do'e haatun hi-ur un kwup-du us-rem remu zu un pakus estedu us-rem un su ur-takun.

13 Tumsu a-muune uzu no wa'ag dim-ut e u-me ran-u bomos-ne, un do'e iis-du ur-shu'ut roggo ne tumsu e do'e naasu da-u e u cwaag u-me ut-bu tu ut-net ur-ba. Tumsu un zaar ut-shu'ut roggo war-o da, sedi un do'e ut-shu'ut u ha-mu ur-no u cwaag u nom-u zaare bu-m e da tumsu warru nom-tu kame e war da.

14 Remu iya, um o yadu us-rem udu bomos-ne i omne ya'agu rek-e uzu e sur m-nom ur-gu, e mat ya'ag, tumsu e gwat bu-ut e, faruk-u nom us-te zaar u kwum-du kerru zudu okon nom-o u yo-o u un ne da.

15 Um zuug iya remu zu eken bomos-ne i o ya'ag taag yage-du dorru Yeso tumsu e o dorru faruk-u nomu us-te u da-o.

16 Abite wakun neta wa wu o wa-doru Yeso otte

bomos-ne u-me bu-u wa, kamug wa gwat e tumsu za wa sake a-doru Yeso ne m-no da. Se a-doru Yeso ne gwat bomos-ne i zatte wakun wu do'e sege un da.

¹⁷ Ut-nengen i nome m-ank u-me morog-du a-dor-ne uka kumte e korge na ya' e m-zeg, tumsu na top e, hadde i nome m-ank sok u same ut-but ne u ut-kose ne.

¹⁸ Remu Ran-u u-Ru zuug, <<A-bo tage nu-u gob-u u-na' da-u wa o rew-mu hyu da.>> Tumsu u dekun be-de o zuug, <<Kowana nome m-ank kamug wa kum u-top.>>

¹⁹ A-bo ees u remsu na kete u-nengen yu a-doru Yeso da se bo kwung us-ees us-yur ko us-tut.

²⁰ A-muune nengen-yu a-dor Yeso nong ut-ba'as, nomu wa ut-him u-shu a-doru Yeso ne, remu tokon nengen to hog gyer-u ut-nom.

²¹ Um o u hyum-du bo u-shu u-Ru tumsu u Kiristi Yeso ne u a-tom u-Ru ne, bo dor tunto bor-to za kose-du m-kuuk tumsu cwan-tu ur-hi ne.

²² Abo nom hor-mu doru wakun ut-kom da, tumsu a-bo same ut-hi u-me ba'as-ut eken ne da. Ship hi-ur ro u-hen ne.

²³ Yage swadu m-bu u war-mo, sedi bo swa ke dugu bu-mu inabi cashi u remu re-mu ut-men ro tumsu m-kwet-kwet-m ro ne.

²⁴ Bakse, ba'as-tu tokon net-to to o m-zun cas, tumsu to o u dor-tu un m-ha udu kwup-du us-rem. Sedi eken oro ba'as-ut e zaar m-zun da se u ane u-shu.

²⁵ I ya-o tumsu, ank-m so-mo tokon net-to o m-zun cas. Tumsu ank-m so-mo tu na nome m-yasa to do'e ut-rwuun dekun ho-de m-zun.

6

¹ Tok-ne beet se e yaag uso-tu bu-ut e m-zeg. Uno ut-hoos haatun du us-pyap u dim-du u-Ru u kose-tu a-doru Yeso ne.

² Sedi i otte uso-tu u-bu i o a-dor Yeso ne a e jurum e da remu zu e o a-doru Yeso ne. Sedi yage e sur m-nomu un us-pama uka kumte, remu uzu ank-m un segu eken a-doru Yeso ne i e tone.

Ut-him u mot-tu Kose-tu us-bi ne

³ Tokon net-to nom tokon kose-to tu o bam dugu kose-tu um nomu no ne. Kose-ut un eeste u rem-su ut-nip su Wa-ko-uyan in Yeso Kiristi da. Tumsu un koste nom-tu do'e sege ut-net e nom ur-yu uka Ru-u otte ut-sa da.

⁴ Go-du net-ut to otte huk-mu ur-hi, tumsu un nak okon da. Net-ut to otte cwan-tu inan u mot-tu gom-tu m-zan ne. Go-du nom-ut to haatun ur-shub, u u-har ne, us-pyap ne, u dorog-us yo-se u mot-tu eken ne.

⁵ Go-du net-ut to haatun namu jab u-da u-beet. Jab-us un natusse, tumsu un yakke dorru ut-nip. Un dorog uzu doru u-Ru o fun-yu kwum-du shik.

⁶ M-ha iya ne, dorru u-Ru u rus-du jab-u u mot-tu nomu bo otte ne, swur-mo sok.

⁷ Remu zu in haagun u okon ne u uno dak-u u-beet o da tumsu iya in zaar u kab-du okon nom-o m-rwu da.

⁸ Sedi a in otte nom ut-re tumsu u cwu-tu ut-wa ne, to korge in.

⁹ Sedi net-ne i ut-sa e kum ut-kwum, e he u-me m-reg u ur-ren ne u cwan-tu nom-tu m-rag ne u-tat tu ur-honse, m-te m-sabre tumsu m-mar ne.

¹⁰ Remu cwan-tu shik o kug-du go-du nom-ut yo-to ut-beet. Tumsu remu cwan-tu shik eken yakke yadu jab du ut-nip, tumsu e naknu hi-ur e namu jab u-tat.

Burus nak Timoti ut-to

¹¹ Sedi bo Timoti, bo o net u-Ru. Rem iya, som m-ra dugu-du nom-ut yo-to tunto ut-beet. Tumsu bo dor fun-yu yudu jab-u so-o, u nom-du nom-tu Ru-u ut-sa ne, u yadu jab ne, u ut-cwan ne u gag-du jab ne, u jab-u m-tor ne.

¹² Jumun dum-m so-mo mu yadu jab. Ship fat-du m-mommo du Ru-u fogte bo remu de, tumsu rem-su bo ware u-shu ut-net u-tat.

¹³ Um o kon-du bo u-shu u-Ru wu yu'e ur-fat udu ut-nom ut-beet tumsu u-shu Kiristi Yeso wu ware ut-nip tu mot-tu hi-ur wa ne u-shu Pontus Biratus,

¹⁴ uzu bo ship bor-u inya ur-zwar ne, za ur-pyap m-te hodu muun-ur Wa-ko-uyan in Yeso Kiristi.

¹⁵ Wa do'e muun u da-u Ru-u cine. Wuna o wa nu-u so-o tumsu u-Ru kyak, wu zege ut-faruk ut-beet ur-beb tumsu Wa-ko-uyan wu zuge a-ko-uyan ne beet.

¹⁶ Wa war-wa wa zaar m-mar da, tumsu wa nom ur-yu u-me m-zun mu wakun zaar wu de kerru te-du wa da. Is-u net tamug hyan-du wun da, tumsu wa zaar tame-du hyan-du wa da. M-zeg m-beet u ur-beb ne udu wa m-mommo! U shu'ut iya.

¹⁷ Nome i otte ut-kwum u uno dak-u u-beet o ut-him a e shu'ut huk-mu ur-hi da, tumsu a e wa' jab-us e udu ut-kwum tu do'e ut-natusse da. Sedi se un wa'ag jab-us un udu u-Ru, wu yu'e ko-uyan m-hos remu hog-du m-remer in.

¹⁸ Waru un uzu un wa' shik-u un udu nom-du nom-ut so-to. Un shu'ut a-ut-kwum ne udu nom-du ank-m somo, tumsu e mot nom-tu e otte m-hos udu i ooge ut-sa ur-sege.

¹⁹ A un nome iya un o nomu hi-ur un ur-cun du ut-kwum tu do'e ut-shu'ut ur-tak du ur-beb u remu u-shu, remu zu un kum-ut ur-fat du ut-nip.

Rem-su m-vaste

²⁰ Timoti, ship nomu na yase bo ur-zwar ne. Bir u-kit dugu rem-su m-zan u i ooge gug-mu bo ne u nom-u e o ut-gwat uzu nap-mo.

²¹ Tokon net-to hakte u-kit dugu yadu jab e tumsu e o dorru kose-tu us-bi. Yage nya u-Ru shu'ut ur-kot u no ne.

ut-Mai'n Scripture portions

ut-Ma'in: ut-Mai'n Scripture portions (Bible)

copyright © 2024 Wycliffe Bible Translators, Inc.

Language: (ut-Ma'in)

Contributor: SIL Nigeria

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-02

PDF generated using Haiola and XeLaTeX on 2 May 2025 from source files dated 2 May 2025

068e2e02-b155-577a-92af-01c24a39c8cc